

GOSPEL TANGKOU

Issue No. 3

Volume : XXXIII

May

2019

Tripura Mission Field, Kangrai



2019-2020 KUM THUPI :
“Lungkelou in Mangpa nna sem vai...”

Jer. 12:5

EDITOR:
Rt. Rev. Dr. S.K MANLUN

EDITORIAL BOARD

Founder Editor:

Rev. M.Hauzalian
Mobile No - #09275259138
E-mail :lianmanlund@yahoo.com

Editor:

Rt.Rev. Dr. S.K. Manlun
Mobile No - +91 9612152332
E-mail :melchqtrs@gmail.com

Joint Editor:

Upa S. Zamkhanpau
Mobile No- +91 9612574232

Assistant Editor:

Rev. Rtd. S. Nengkhanmang
Mobile No- +91 8974139641

Contributing Editor:

1. Rev. Dr. Hangminthang,
Director of Ministries
Mobile No. +919612997858
2. Rev. Thangliankham,
Director of Missions
Mobile No. +9862830905
3. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

| | |
|--------------------------|----|
| Editorial | 01 |
| Khristian Thugin | 04 |
| Moses Zi Neikiana | 09 |
| Tripura Mission Field... | 12 |
| Mou leh Innpi ... | 14 |
| Nute Ni... | 18 |

Patron Member ₹.1500/-
Kum khat lah man:
Khut ah - ₹.150/-
Dah ah - ₹.200/-

Article zousie Editor kunga pieh ding; ahilouleh, e-mail in
melchqtrs@gmail.com tungtawn in a piehthei ding hi. Tualeh, a lahman
Circulation Manager kunga pieh ding ahi.

Editor dawkan apat

2 Cor. 5:14 “*Khrist itna in Koute a hing sawl paupau hi...*”

Amasa in Gospel Tangkou simtute jousia Jesu Khrist min in MELC Office apat in chibai kang buh hi.

Mangpa itna in i hatuom hing pui tou zel in bangchih a imu ngailou leh iphah ngai nailou mun ah gam leh mi ahing pieh be ziehin Mangpa min i phat uhi. Tripura Kangrai mun ah MELC mi leh sa ding Missionary Manglianlam tungtawn in Baptisma tangthei ding mi 16 ang pieh man in Pasion min iphat uhi. tambang a gamdang mun dang a Pasion nna isepna uh ka ngaituo chiengin aw **“Mang nasep a manpha hi.”** ahi dan kamukhia hi. Tuni’n tambang in Pasion na sem sih talei Hagau mangthaite hutkhiatna na kisem zoulou ding a, tua Pasion na isep jieh ua mangthai ding mi 16 hagau hinkhuo i hutkhiat (saved) pen manpha hina va yia e, chi ka ngaisutna ah ahing kilang hi.

Unau, nang leh ken siki makhai ipieh zieh a mihing hinkhuo, hagau hinkhuo hundam ichi leh pieh thasiat huai vawt lou ahi. Nang leh ken zong inn jang a hagau mangthai kiman thei ahidan tutung Tripura a gingtha baptisma tangte apat in muthei in aum hi.

Mangpa’n MELC hatuom hing pui na thupi kasah pen ahileh itna toh angpui khu ahi. Jesu itna a thupi a laphuahtu in “Jesu itna hoiseng sang e nuam in zailan pahtoi vai” achi khu ei hatuom sunga hing tungta ahiman in Mangpa min kaphat hi. Semtute Pastorte lah a Jesu itnan ang kankhawm a, tua mai hilou in hatuom sung ah LCC lah ah Jesu itna toh kankhom a i um pen uh thupi in lamdang hi. Tami itna in ei sung mai hilou in leitung ning killi tan a itna nei dingin Mangpa’n MELC hatuom hing dei hi.

MELC sunga Pastorte lung kituhtah mai a Tour apeikhawm uh thupi kasa a, kakipah mama hi. Kei bawn kakipah leh Van a Pasion



bang achi kipah diei chi bang ka ngaisutna ah ahing lang hi. Midang teleh hatuom dang te’n zong ang kipahpi uhi. Pastorte naupang pawl a kipawl, khanguol pawl a kipawl, tualeh lawmta bang a kipawl a, kitheisiamna leh itna toh kalsuan khawm uh patathuai kasa hi. A neu zaw a lian zaw um tuomlou a akalsuan khawmna un pumkhat ahidan atahlang hi. Tualeh tambang a Pastorte kalsuanna ah hatuom LCC ten kilawmtah leh thupitah a ana vaidawn te uh kaza a, gospel itna toh kalsuan te ana vaidawn uh thupi kasa a, local hatuomte kungah zong kipah thu ka gen hi. Hinnan leh piandan kibanglou ihi ua, neh leh dawn dudan zong kibanglou ihi ua, khenkhatte tahsa hatlou zieh a vah lele hamsa sa zong ium uhi. Hinnanleh Khrist itna in ang sawl ahi chia tangthupha gendia ikalsuan Mangpa’n athawn a hing koi lou ding ahi chi gintatna lianpi inei ding uhi. Simtute zousie Mangpa’n hing guolzawl chiet tachen.

KHRISTIAN THUGIN

(Eschatalogy Future Things)

By:- Rev. Dr. Hangminthang,
Director of Ministries

Rapture toh kisai :

1. **Amillennialism** : Rapture umlou diing chi mite/Kum 1000 Leenggam a tahtah a umlou ding.
2. **Post Millennialism** : Rapture khu Kum 1000 leenggam zou chienga um diing chi mite
3. **Pre-Millennialism** : Rapture khu Kum 1000 leenggam masang aum diing, chi mite.
 - * Khristian thugin bulpi khu tam atung a i gen sil thumte a ki-nga ahi.
 - * Tunia ei MELC (Evangelical) thugin khu a thumna (3 na) ahi.
 - * Tam thugin dihluu ziehin, Bio-Matric photo kilahna diing ah abuo pha uhi. (Mizoram ah)

Rapture um diing dan (Characteristics):

1. Hundam tate'n Mangpa kung a zotna hun uh.
2. Mitphel kaalsung a tung diing...
3. Hundam mi shi-sate thou kia diing uh.
4. Thawkiana masa...
5. Amun - Huikhuo ah...
6. Belamnou Ji neina hun...
7. Hundamna bukimna ni...
8. Gingtute suhlamdang ni, thupina tahsa pieh a aum ni uh.. Daniel Hapta 70 na: (Dan 9:24-27)
 - * Daniel Hapta 70 na khu Rapture chienga tung diing ahi/kipan diing ahi.
 - * Hapta khat ah ni sagi aum a, ni khat khu kum khat toh kibang ahi.
 - * Hapta 69 ana beisate khu:- Jerusalem kitun ding kia diing thupieh (Decree) um apat, Mes-siah hing peina diing tan ah - Hapta 69 abeita hi.
 - * Persia leengpa Sairas in Jerusalem a kinuale kia utte adia salpawtna thusuo/decree ana suona - BC 445 apat ahi.
 - * Gimthuohna thupi - The Great Tribulations.

Gospel Tangkou May 2019

- * Kum 7 sung ahi diing hi. Mangpa Ni zong akichi a, tualeh
- * Kum 3½ nukhia a huoise “Mangpa Lungthahna sunbuoh-
ding hi. (Mat. 24:22) Jesu zong akichi hi. Isai 13:6; na Ni” zong akichi hi. Isai 13:6;
sabiltungnou tunga atuon tan ah 34:4; Jer. 25:33.
- Kum 483 ahi. Judate kum sim * Tualeh “Mangpa Ni” kichi
dan = ha khat ah ni 30 um, kum khu ahoi lam genna in zong
khat ah (30x12) ni 360 um. akimang a, Mangpa’n a mite
(Dan. 9:27) 2nd Half of the 70th ahundam ni zong ahi. Tualeh a
Week. melmate tunga phuba a laah ni
zong ahi.
- * Ha 42 or ni 1260 chiengin **(I Thes 4:16-17; I Kor 15:51-
Kum 3½ china ahi. (Rev. 52) / Belamnou Ji neina Pawi**
12:14b)
- * Hapta 69 tan ang chin tah * Rapture ahi toh kijui in
in, Jesu Khrist singlamte a kilbet Huikhuo ah Belamnou Ji-neina
in ang umta hi. Tami hun akipat Pawi thupitah aum diinga; a
in Judate ni/hun simdan pen Mou/Ji diing khu Hattuum-
peitalou-khawlta hi. Gingtute ahi.
- * Tuachin Daniel in mang- * Tam Mou lopna pawu khu
muna (vision) in Hapta 70 na Kum 7 sung ahi diing hi.
na angmu hi. tami khu kum 7 sung * Tami hun sungin,
ahi diing hi. (Dan 9:24-27) leitungah gimthuohna thupi tah-
Great Tribulation aum diing a,
tami khu - bangma chih a na um
kha ngai nailou, um zong umkia
nonlou diing, akichi hi. Tam
leitung a gimthuohna thupi tun
hun sung khu Daniel Hapta 70
na ahi.
- * Judate ni/hun sim dan ang **Nuamman Hawmna:**
khawl chiengin Jentelte a diing * Belamnou Ji - neina pawu
in hun manpha mama khat kung aabei chiengin, gingtute mimal
ahing um (pieng) khie hi. Tami kunga nuamman hawmna in ajui
khu Hattuum hun ahi. (Church diing hi.
Age) * Bible in Nuamman
chituom tuom agen a, tuate lah
ah -
- * Hapta 69 leh 70 na kikaal ah Pasian in Jentelte adin
Hundamna Dawngkot ahing * Belamnou Ji - neina pawu
honpieh a, tuakhu Pentecost Ni kung aabei chiengin, gingtute mimal
akipat Rapture tan ahia, Hapta kunga nuamman hawmna in ajui
70 na khu Rapture zou chia hing diing hi.
kipan./hing um ding ahi. * Bible in Nuamman
chituom tuom agen a, tuate lah
ah -
- * Tam Daniel Hapta 70 na khu a tuom khat in genlei -

Gospel Tangkou May 2019

1) **Hinna Manglukhu** - lian, tam teng kigawm (Jak. 1:12; Kih.2:10) Tami (600+60+60) 666 hing kilakhia khu Jesu Khrist jal a thalup a ahi. (I Sam. 17:4-7) umte (Marterte) a diing.

2) **Thupina Manglukhu** - (I Pet.5:2-4) Tami khu Hattuom Upa Jesu Khrist adia gin umte thanuomtah a belam enkol a, kem a, vahte a diing ahi.

3) **Kipahna Manglukhu** - (I The. 2:19-20) Tami khu hagau mang-thai mante, Pastorte, Sawltahte leh Missionaryte a diing ahi.

4) **Dihtatna Manglukhu** - (2 Tim 4:8) Tami khu Jesu Khrist hing peikia diing kinemtah a na ngah zingte a diing ahi.

5) **Tultheilou Manglukhu** - (I Kor 9:25-27) Tami khu Jesu Khrist adi leh jal a, tam leitung thanguai na lah a kideh zoute, kisusiengthou zoute a diing ahi.

Number 666 toh kisai:

Tam nambat 666 khu Setan in a mite a chiemtena (identification No.) a kizangh diing ahia, Setan vanh zah poimawtah ahi diing hi.

Nambat 666 hing pienkhiat dan khu - Goliath teipi gihdan shekel 600 ahia, Nebukadnezar lim tong 60 a saang ahia, a vailam tong 6 a

lian, tam teng kigawm (600+60+60) 666 hing kilakhia ahi. (I Sam. 17:4-7)

A kizahna diing leh ahun:

* Daniel hapta 70 na sunga, leitung a gimthuohna thupitah a um sung - Kum 7 sung ahi.

* Tami hun sungin, tami nambat neiloute'n bangma a lei theisih diing ua, Setan leh a galkapte apat suhgentheina athuoh diing ua, koima'n a panpi theisih ding uhi.

* Tam nambat neite lah Setan chiemtena ahi jiehin, gawtmun a dia chiemte sate ahita uhi.

* Tami hun ah atawp dong a thuoh zoute adin hundamna kot neunou khat akihong ding hi. (Mat 24:13; 10:22; 2 Thes. 2:4, Kih.13:14-15)

* Tami hunbei kuon chiengin armagedon gaalpi aum diing (Kih.16:12-16) hi.

Kum Saang Leenggam (Milenium):

* Tam Kum 1000 leenggam khu Juda mite a diing ahideu hi.

* Jesu Khrist a hing kumkiana diing khu tam kum 1000 leenggam a Leengpa leh Vaihawmtu dia hing kumkia diing ahi.

* Kum 1000 leenggam khu

Rapture a misiengthou alahtou (gingtu) tetoh leitung ah ahing kumsuh diinga, gingtute toh vai ahawm khawm diing hi. (Rom 8:17; 2 Tim 2:1 (Kih.20:4) Luk 19:11-27)

Tami hun chienga Israel/ Judate dinmun diing:

1. Mi dangte pasal sawm khat in Israel pasal khat puontuol tuh theina dia ngen di uh. Israel pasal khat khu mi-dang pasal sawm in jui di uh. Zek.8:23
2. Pasion in Israelte a guoljawl diinga, nam dangte'n zong khum guoljawlna a theipi ding ua, Israelte ajui diing uhi. (Isai 35:1-10)

Kum 1000 Leenggam Um diing dan:

- * Tami hun sungin Setan kawkhuh mongbei sunga kolkibul diing.
- * Kisuhnatna leh kimelmatna umlou diing.
- * Mihing damsung sawt diing
- * Kum 100 a upa mi ashi leh lamjul a shi kichi diing.
- * Ngia leh belamte umkhawm diing uh.
- * Kamkeite leh Kelnoute umkhawm diing uh,
- * Humpite leh bawngnoute

umkhawm diing uh-Isai 11:6-7.

Naupang neute'n amahaw kai kawikawi diing uh.

- * Si-alte leh belamnoute'n ann nekhawm diing uh.

- * Humpi in zong bawngtalte toh hampa ne khawm diing uh.

- * Gul kawmai ah naupangte kimawl diing uh. Isai 65:25.

Gingtute Dinmun diing:

(Rom 8:17, 2 Tim. 2:12; Kih.20:4; Luk 19:11-17)

- * Kum saang Leenggam ah Gingtute khu Jesu Khrist toh vaihawm khawm diing.

- * Jesu Khrist toh Pasion gouluopite ihi zieh un.

Kum 1000 hun bei chiengin:

- * Setan khu kawkhuh mongbei apat in hakhiet ahi diing.

- * Kum 1000 hun sunga piengte lah a ama nuajui diing mi tampi sol sawm in theitawp in pan ala diing hi.

- * Leitung a Gog leh Magog namte ava chiel diing a, Lemna khopi (i.e. Jerusalem khopi) a va dou diing hi.

- * Pasion lungthahna Van apat in ahing kesuh diing hi.

- * Tuazou in Setan leh a lawmte Meilipi sunga delut in aumta diing uhi.

Gospel Tangkou May 2019

* Leitung leh Van khu mei le kaat a haaltum in aum diing hi. (2 Pet. 3:7)

* Tuazou chiengin Lei-tha leh Van-tha kumtawn in aumta diing hi. (Joh.21:2)

* Tuachin Jesu Khrist in mangtouphe tunga tou in vai ahawm diing hi. (Kih.20:11-15) Jerusalem Tha (New Jerusalem):

* Alet dan, asaan dan, akibang chiet ahia, mel 1500 a lien, saang leh lien ahi.

* Suongmantam chi 12 a kijem ahi (Kih.21:6)

* Sun leh jan um nonlou diing.

* Belamnou Ni banga taang diing. (Kih.22:5) Meilipi (Lake of fire) Meidil:

* Tami khu setan (Dawimangpa) leh a kaizatamte leh Jesu Khrist hundamna pomloute kigawtna mun diing ahi - (Kih.20:10-15)

* Tami khu shi - nina (Second death) akichi hi.

* Shina leh Mishi khuo (Sheol) zong Meilipi sunga pailut ahi diing hi. (Kih.20:14)

LUNGDAMPINA

Mr. Lalminlian Zou S/o Tutzamung MELC Cashier in tukum 2019 a Class XII CBSE nuai a Over All Manipur Topper Award asan na tungah MELC sih leh tang in Bishop MELC in kipahpina sangtah ka pia hi. MELC sung a semtu (worker) tate in tambang a lawchinna ang nei hi thupi kasa hi.



Mr. Tutzamung hi MELC a dia Mission Teacher ahia, mi gin um taima leh chitah ahi a, Pasian in a guolzawl a lam etphah lou hinanleh a Tapa tunga Pasian guolzawl na atang ahi chi muthei in aum hi. I sepa khat phot ah gin um leh chitah pou lei Mangpa guolzawl na in hing zuitou ahi chi Shie Tutzamung apat a muthei in aum hi. Mangpa'n Mr. Lalminlian hing guolzawl semsem hen len i hattuum leh i nam a dia mailam hun a baan leh khaam hing hi ding hi chi i thumna hi taken.

MOSES ZI NEIKIANA

(Number 12)

Pastor Retd. *S.Nengkhanmang*

Tualeh Aron leh Meriam in Etheopia Numei khat akitenpi zieh in Moses Khu agensie ua tuachin buoina thupi tah a hing pieng tahi. Pasian nangawn hing kumsuh in thu ahing khen a, Meriam a phah law tahi. (Number 12:4).

Moses zinei kia thu igen ding leh Laisiengthou a tuonglou Moses tanchin khenkhat igen khawm uh ngai ding hi. Simtuten a kaihgawm dan ilepsiem uh ngai ding hi. Moses khu Egypt gam a Leengpa Pharaoh tapa bang a a uplai in, Aigupta gam siemna pilna zousie thei zou in a minthang mama a Leengpa sepaite lamkai lien pen General thupitah a hi chin zong ki gen hi.

Khumhun laiin Pharaoh Leengpa in Moses khu a muong mama a khatvei zong Etheopia Leng gam vasim ding in General Moses khu sepai tamtah toh a sawl hi, akichi hi. Etheopia kumpinu Lenggam khu a tung a chil apata, Numei Lenga nei a naki vaipuoh uh ahi uhi. Tuaziehin Etheopia Kumpinu Lenggam nakichi hi. Tamkhu thudih thuman a hina Solomon Leengpa hunlai in zong simlam Leengnu Sheba Lengnu kichi ahingpei vingvenga kumpi Solomon Hausatna leh apilna thu ngaikhe ding in mit tang ngei a

mu ding in ahing pei a nuom man Dangka Sana tampi sangawngsau in ahingpuo chin akigen hi. (Lengte 10:1). Tualeh tam Etheopia kumpinu Lenggam khu koima Lenggam in zong ana lah jaw ngailou ahi akichi hi. Azieh pen, agam mi sepaite gal hatna leh siemna zieh mai hilou in a gam khopisung lut zou louna ding a tangpang gul leh tang guhatneite leh ju leh va guneite tam tahten a ven uh ahizieh a, koima ahing a khopi sung valut theilou ahi akichi hi. Hinanleh, hing leh dama a khopi sung valut thei a, khopisung vatuon thei mi a upleh Lengnu khu akitenpi ding ahi chi DAN, upadii khat ana um ahi chin zong aki gen hi.

Khum in ngaivawi tam bang ahinghi a, Moses General minthang tah gal lamkaina in Pharaoh in Etheopia Lenggam khu a va zou a, dam in akhopi sung avalut a, Leng innpi sung a vatuona, Lengnu ngah zong akitenpi chi tanchinbu zong um

Gospel Tangkou May 2019

hi akichi hi. Amau Lenggam tanchin bu sung a kigiel ahi ding a ei Bible sung ah a um sih hi. Hinanleh, ei Laisiengthou in ahing hil tawm senga imu thei sun uh pen Moses in Ethopia numei khat akitenpi chi imu hi. (Numb. 12:1-3) Moses zikhu Median siempupa Zethro tanu tahpen Ziporah ahi chi ithei uhi. Hinanleh, gamdai lamkal ah Zeporah a si tahzieh in Moses in zi dang a nei kia hi. Tua numeinu khu koi ahiei chi suikhe ding ihi uhi.

Laisiengthou (Number 12:1-3) sung ah Moses in Cush numei khat zi in a nei a akitenpi chi imu hi. Cush-Ethopia china ahi. Tualeh, tua Ethopia Cush numei nu khu Moses toh hoitah khat a na ki thei ngaisa ahi ding uh gintat um hi. Khum lai a Moses khu Egypt gam Leengpa tapa bang a a uplai a, Cush Ethopia lenggam vasim a, vazou a, dama leng innpi vatuon a, leng gam Dan a Lengnu toh zong lenggam vaipi pokhawm uh hi ngei ding hi. Hinanleh Moses pen Lengnu Leengpa tapa bang a um a nuom satah a hin sang a, ami tetoh gawt gim thuoh-khawm telzaw pa ahi chi khu manghil lou ding ahi. Khum in tua chibang mipa khu nikhat amite, a sanggamte kungah a vahaw a, Egypt mipa khat in Hebru mipa khat a vuoh laitah a vamu hi. A dah koikoi a koi ma amu lou tah in Egypt mipa a that a, sehnal lah ah avuita hi. (Ezo.2:11,12).

Khumnua in Moses khu aniveina ding in amite kungah ava haw kia a, ngaivawi Hebru mite lah a mi ni anaki hau ua, agilou zopa kungah Lawm aw nang bang dinga na guolpa navuoh ahiei? a chileh aman nang ka tung ua vaihawm ding a koi in ang koi ahiei? Egypt mipa natha bang a kei zong tha hing sawm namah? ahing chi ta hi. (Exo. 2:13) Tam thu zieh in Moses khu a zaua a tai mangta hi.!! Atai mangna Midean gam siempu Jethro avabel a, atanu tah pen Ziporah toh akitenga, apupa Jethro Belam hon a chingta hi.

Khum in khumnua Kum sawmlii nua in ami Israelte puidoh dingin Pasian in Moses khu ahan a, asawl a, Egypt gam ah ahingpei kiata hi. Pharaoh leh a mi siemte toh kidem dingin Pasien in alesawm a bawl theina apie hi. Tua chin Moses in a zou a ami Israelte a puidoh tahi. Tuachin Moses leh amite gamdai ah kum 40 sung ma ahing vah vai uhi. tualeh Moses pen mi kidang tah khat ahia, Egypt gam a Leengpa tapa a pan zong ut lou , Ethopia gam Leengpa a pan ding zong utlou a, Midien gam siem pupa Jethro belam hon chin ding zong utlou a, amite toh suhgenthei thuoh ut jaw pa khu tu in a ut pen na ahing semta hi. Gamdai gam palah ah amite toh sitan a genthei thuoh dingin ahing kipanta hi. Aw Moses genthei dan lawmlawm

Gospel Tangkou May 2019

vannei ah mi a ma thuoh bang bang a thuoh gim a um diei ?Laphuohtu in Jesu thuoh gim dan la in ahingsa khie a migenthei genta lei Mang Jesu khelkhie um ding amah? ahing lungsiet seng seng zal in, khosah sisan bang a tahkhie sim leh mal ah vasuita vawi un a chi hi. Um lou ding mu lou ding hi. tuabangma a genthei thuoh a mite a dinga kipie tang a Moses bang a um diei ?. A mite a lungsiet seng seng jal in Leengpa tapa bang a up ding hengla lou in Leng innpite nuasie in gamdai ah genthei a mite toh ahing thuoh laitah in a it mama a zi Jeprah in a sisan tahi.

Tuin Moses khu meigong langbai ahing hita!. Mi thu manglou, mikhel, migenha ngentang a nuoi-athen a tam phunsie leh migen sethei ngentang migongsan leh thangse ngen tang, a tuidu ngentang , amalam a pang um lou, agilkiel a dangtah chienga tuina ngawn dawn manlou a, a um chieng a zong tui peding nangawn zong um nawn lou a, Moses in Ethopia numei khat akitenpi leh, a sanggamnu a unu-Merian leh a upa Aron in lung kimlou in buoina a bawl ua, pawlpi sung nahpi tah in ahing ki buoi tahi. Hinanleh Pasion in Moses khu a panpi jaw ta a Miriam in a phahlawta chi imu uhi. (N\umb.12:10).

Ahileh tua Etheopia numei nu khu koi hita dinge ? Tualeh gam palah pia bang hing chi moutha thei adiei ? Chi thei ut huoi tah ahing hita !!! . Tam numeinu khu Moses toh naki thei ngai sa uh ahi ding in gintat umtah hi. Aziehpén Moses pen Egypt gam Leengpa tapa bang a a uplai a Etheopia Lenggam vasim a va zou a, Lenggam dan a Lengnu toh Lenggam vaipi pawkhawm ngai uh hing ding hi.Tuachilou pi”n numei khat tang singnuoi gam muol a, sepai khum zalah piah bang bawl ahing lut thei ding e ? chin na lung gelna nakho theina vahasah kawi le chin na mu thei ding hi.

Tualeh lungsim siengthou tah a gel doh ding khat zong tambang in um hi. Tua khu Pasion in Moses khu khut zat ding a ahah khiet a, sil loupitah mai a sepsah taah leh Pasion in anasep sahpa nasep khu a suh siet kia ding ahi ngal sihleh sil dang bang teng nabawlta maleh khutzat a a nei pakhu amawh nuasie ding amah? Chi zong ithei ngai hi. Tualeh, Moses khu azi si ahitah leh zi dang zitha a nei kia mawna ding zong bangma um lou hi. Tualeh Pasion in Moses tuisawh ding a a zi apieh kia hiva chi kagel dan ahi.

~~~oio~~~

## **Tripura Mission Field Visit Report**

~ **Rev. Thangliankham**, *Director of Missions.*

I pawlpi vaihawmna leh deina banga Tripura Mission Field a ginghate baptisma pe dinga sawl a ka um bang un, Date 27/04/19 Kiginni Nitahlam dah 5:00 pm vel in Mission Field mun ka va tung uhi. Tualeh Date **28/04/19 Pasianni** zingmawng dah 7:00 Am in Field Incharge **Pastor Douchinal** in gingtha agawm in mi sawm le guh te Pa leh Tapa leh Hagausiengthou min in Babtisma tang sah hi. Babtisma tangte khu tam anuoia te ahi uhi:

1. Mr Tarzona Rieng *S/o Mr Deporam Reang*
2. Jobing Rai Reang *S/o Chabiram Reang*
3. Nibaram Reang *S/o Chabiram Reang*
4. Ranjeet Tripura *S/o Phuspada Tripura*
5. Pitharam Reang *S/o Amrita Reang*
6. Ram Singh Meshika Reang *S/o Madhuram Reang*
7. Domenjoy Reang *S/o Amara Reang*
8. Jaisarai Reang *S/o Jagudra Reang*
9. Sanjit Rai *S/o Sandik Rai Reang*
10. Heleni Reang *D/o Nodiram Reang*
11. Mungnagti Reang *D/o Tarzona Reang*
12. Rekhatabi Reang *D/o Khotaram Reang*
13. Debaki Reang *D/o Gangaram Reang*
14. Hemayakti Reang *D/o Pulmonta Reang*
15. Dalingrung Reang *D/o Ramjan Reang*
16. Ms.Arunabati Reang *D/o Amara Reang*

### **KANGRAI Khuo um dan**

Kangrai khuo pen Dasda Block, North Tripura District nuoi a um ahi. District Headquarters ahi leh Kaila Sagar ahia Kangrai apat kilometer 49 vel ahia state Capital Agartala apat 110 kms vel ahi.

Kangrai pen inn 500 ding vel tenna taangdung Km ni (2) vel a sau ahia, Big Kangrai, Middle Kangrai leh Small Kangrai chin kikhen hi. Tu le tu a ei mission field um na khu Middle Kangrai sung ahi.

### **School toh kisai :**

Missionary nasep hatsem ding deina toh Evan Manglianlam in School khat ana phut hi. School toh kisai chiemte thei ding tam anuoia a bang ahi:

## *Gospel Tangkou May 2019*

1. **School Min:** Emmanuel Public School
2. **Run by:** Manipur Evangelical Lutheran Church (MELC)
3. **Naupang um za:** Agawm a admission bawl – 58  
(52 te regular tah a kai thei uhi.
4. **Fees\*:** Admission - Rs 200/- & Monthly fee–Rs 200/-
5. **Teaching Staffs :** 1. Evan Manglianlam & 2. Ms Kimhoihching  
W/o Mr Th Luna

### **HATTUOM LAM TOH KISAI**

Dt. 28/04/19 ni'n Director of Mission MELC hina toh MELC Tripura Hattuum member **Lahlutna leh Phuonkhietna** ana kinei thei hi. Hattuum toh kisai report thei te ahileh:

- \* Hattuum Inn phaza - 8
- \* Danzou/Baptisma tang - 20
- \* Hattuum Mising - 49
- \* Dan zoulou/Baptisma tanglou - 29

### **Biehinn kikhopna vaiguon**

- \* **Conductor :** Pa Th Luna
- \* **Hunpat na :** Nu Kimhoihching
- \* **Hattuum Phuonkhietna:** Rev Thanglianckham,  
Director of Mission MELC
- \* **Thugenna, Sacrament & Nau latna :** Pastor Kapkhanhau
- \* **Tawpna/Guolzawlina :** Upa Mangkhenmung
- \* **Annkuong** : *Mission Department sponsor na  
nuoi ah mipi zaval toh nitah  
annkuong ki-iim khawm hi.*

Nitah hun pen laamna leh kipawllimna in ka zang uhi.

Mipi zani (200) val in hing uap uhi.

**Note:** Tami toh kisai in Hattuumte'n i Mission field ithumna uah thei zing va ui.

### **Tu-le-tu a thumpi dingte:**

- 1) NECTAR Shillong a Training Pastor Kapkhanhau leh Pastor Douchinlal, Mission Field Incharge.
- 2) Harvest Training Institute a training Missionary 1) Shanti Kumar, 2) Shyam Kanhai leh Ibothem te thumpi zing va ui.
- 3) I missionary teng toh thumpi zing va ui.

~~~oio~~

MOU leh INNPI

~ Nh. Nuamboi,
Women Promotor

Innsung kituah leh nop a umthei na ding in Mou leh Teehpi pangkhawm kituah dialdial avai saikhawm poimawh hi. Tuana ding in ihinkhuo leh umdan Khrist hantanhoi toh akituah nai? I niteng umdan ah bang akilang ei, midangten ang muchieng in koi mel muthei in a um diai chi kingaitua poimaw hi. Tuana ding in ei diinmun hina leh manphatna anuai ate pansan in genkhawm vai. (Thupilte 14:1, 17:1).

I. Mou ichi koite ahia, a dinmun uh bang hiding ahiai:

1. Numei in apianna innsung nusia a Pasal ava nei chiengin aman uh innkuan lamte a ding in Mou ahing hi hi.

2. Mou hitheina ding in thupuhna kichien bawl angai a tua thupuhna in ahuapkhah te:

i) Kituahna – Peinateng a peikhawm a, giahna teng a giahkhawm dia jui ngamna.

ii) Tahsa lam kipumkhatna – Namite kamite ahiding a.

iii) Hagau a kipumkhatna – Na Pasian ka Pasian ahi ding.

iv) Sitan a gin umna – Na sina ah kasi ding a khunah kaki vui ding hi.

v) Thupuahna kiptah neina – Mangpan alaw law hinglaw hen chi thupuhna kiptah nei ngamna genna ahi.

II. Teehpi ichi koite ahiai?

1. Numei in Pasal ava nei chiengin a Pasal pianna nu ama a ding in a teehepi ahi.

2. Innkuan suangtu bul muthei a damnalai I leitung Pasian iteehpi leh teehepute ah kei uhi.

3. Zi leh Pasal nei a um tate leh tute toh inntuam suong a khosate genna ahi.

III. Amaute etkol ngai ahi uh, bangjeh in?

1. Amau leh amau uh kikemjou nawnlou, a tahsa uh upata, kizen nawnlou ahijeh un.

2. Khawvel khangtoudan amau adia batphahlou tamta.

3. Nu-le-pate'n a hatlai nite uh a tate uh etkolna a guazu-daikai thuah a ana panman ua hatnawnlou, a sep hoite uh ahoilam a thuhna ding, a hatnawnlou nua ua lungnoptah leh hamuong taha a umthei na ding ua hoitah leh deisatlah a kem a tawldam tah a amaute umseh tup ding ahi.

IV. A kemtu ding koite?

1. Amaute kemtu ding a tate leh atute uh ahi. Jesu'n a mohpuohna athei a ama shinua a kemtu ding in

Johan mawpuohna apie hi. (Johan 29:26,27).

2. A teehlamte hinna halthasah na ding a teeh-le-vuai chieng a vahtu ding tate leh tute ding ihi uhi. (Ruth 4:15)

3. Amaute hingkepna jieh a tunia ihinatan tan tung ihijieh un a upat nua ua kemtu ding eitema ihi chi manghillou ding ahi.

V. Bangchi kep ding?

1. Iit ding: I Pasal dingte etkolna ah, nuten tha-le-jung, gim-le-tawl, zaan imutmaw bangjatah athuah tabep ding uai chi ngaisun in Pasalte i iitleh amauh anakemte iitlou theilou ahi. Rome 13:8-10, *“Ki ittuahna lou ngal koima bangma basih un”* ki iit ding bat gige ding ahi, tuabang itna nei khu daanzui bukim na ahi. Ruth in a innpinu Naomi vangsie leh thawmhau tah a aumlai in laina tahin akem a, a kaana ah akaapi hi. Ei a ding mai enlou in ei iki it bang a imi hinpote it ding ahi, Mathew 7:12 *“Sil zousie miten na tung ua abawl ding nadei pouma uh nouten zong mite tung ah bawl un”*. Galatia 5:14 *“Nangma naki it bangin na innvengte na it ding ahi chi thuteng khatah daan zousie suhbukim in a um hi”*. Itna dihtahin khentuam neilou hi.

2. Kizopna dihtah bawl ding: Ruth leh ateehpi in kizopna dihtah anei ua ahawna ding a teehpi

kungah agen a (Ruth 2:2), a teehpi in a gamtatna teng adong a kamsiamtah in Ruth in adawng hi, bawldia agen bang in thumang tahin azui zel hi. Siltuah kipahna, daana, ki theisiam tua a ahitheitan a amauh deidan zuisawm ding ahi. Kizopna dihtah a umtheina ding in theisiamna eilam ah apoimaw hi. Ahoizaw dinga natheite ama theisiamsah sawm lecin ahing theisiam hun um ding hi. Teehpote kipahna neunou khat ahijieh in akipahna ding ua sil na bawlsahte zieha anuimel namute nang a ding a gualzawlina ahi. Na teehpi hing poimaw hun a panpi dingin mansan um in. Innkuanpiten ang gal etthaw mai uh hikhading sil lauhauhi ahi.

3. Zatat ding: Ruth in ateehpi zatatin agen bangbang in thumangtah in azui hi (Ruth 3:1-5) Ama hitheina hatna leh siamna lam nang atawh kibanglou maithei hinanleh amazong mihingma bukimloua hatlouna leh chitlouna nei ahi chi manghil sin. Ama siamna lamte tawisangsah inla a chit joulounate ah panpi in. Ama utoh kizopna hoi nanei theina dingin mikungah gense sinlen na lungkimlouna mel langsah sin. Musit mailou in natheisiamlou a um chiengin dong lechin kipah ding uh ahi *‘Nanu a teeh chieng in simmaw sin’*. (Prov. 23:22).

4. Deisahna langsah zel in: Mou in avalutna innsung anu-le-pate it in akhual ding ua, itna leh deisahna toh apienna nu leh pa banga a ngainat ding ahi. Ruth in anehvaal a innpinu a dinga apuohsah pen in adeisahna alangsah hi (Ruth 2:18), a teehpi inzong amounu a deisah ziehin amaban ding angaituosah hi (Ruth 3:1-5). Ruth in alutna innsung akhual a hoitaha akepzieh in gualzawlin a um hi (Ruth 2:11-12). Teehpi leh teehpute tunga itna leh deisahna nasep in gengen ngailou in i pasalte kipahsah mama hi.

5. Lungkimtah leh hamuongtah a upsah ding ahi: Teehpi leh teehputen nat-le-sat atuah chieng ua nelsialou a aneh leh dawn ding bawlsah a duattaha kem a lungkimtah a umсах sawm ding ahi. A sil leh teen ding uh ngaituasah asiengthou tah a kem a naa zousie ei sepding ma a ngai a ham seselou a sepding ahi. Ruth in taimatah leh kukaltah in khawllou in naasem hi, tuabang in umlei aneu-alian, ateeh-akhang in hing ngaina in hingpatat ding ua i kung a um tawldam huai leh hamuan huai sading uhi. Thupilte 23:25 in “Nanu leh napa kipah uh henlen nang hing pai nanu lungnuam hen”. Nu leh pa teehte simmaw bawla amaute lungkham sahtu hikah ding kiven ding ahi.

VI. Moute adia thei ding:

1. Pasion in ang guat banga Pasalte innsunga va um a nopna hasatna leh bangkim tuah dia mansa um ding ahi. Tuazieh in tuah theina toh kukal tah a um dia lam et ihi. Numeite iki bangbei sih ua nualam suang talua a umkha abailam a, kiven ding ahi. I pianna nu-le-pate awlmaw talua kisa a vakisahlah tahluatna in innsung nite (I nualam leh I malam) chidam sahlou nuam mama hi chi manghillou ding ahi.

2. Teehpi leh atute kizopna ahoithe i na ding aneu uapat a ki ngainatsah sawm ding ahi. Mou khenkhat in atate uh api leh pu donding phallou chibang a umthei achi ua, khoh isa hi. Kizopna hoi a umthei na ding in ei moute mawpuohna ahi, tuabang umthei na ding ahiphot leh guallel lam apan khohsahlou ding ahi. I taten noineh atawpsan chieng un alemtang leh apu leh pi kung a lupsah ding ahi, Pi leh Pu ngailou koima umlou ding ahi. Teehpi leh teehpu muanngam mou hisawm ding ahi. Galatia 6:7-9 na in natu bang bang na atding hi chi khu manghillou ding ahi.

VII. Kep a um dingte thei ding a deihuaite:

1. **Itna:** Pasion itna (Agape) theichianten tua tungtawn in midangte it thei uhi. Naomi in Pasion itna theichian in amou

deisah in akemsiam mama hi (Ruth 2:19-20). Ei sung a piang tate chouh it tuamlou a apianna anule-pate peisan a ei tanu dia hing kuan itate itte itpithei ding ahi. Ruth in, Naomi a um itna amuchian ziehin anua zuithamsa in a innkuante nuasie in sitanpha a zui ding in kipie hi. Pasion nei lungsim hoi leh dih nei teehipi in amou atanu tahtah banga apom a itna toh a etkol leh mou gilou hoilou leh phengphi um ding in gingtat huailou hi. Thupil in numeite baalke bang ahia atuhna lei zilin ahoi in ahoilou thei hi achi hi. Tate itte itpi a amauh kikal a kitheisiamlou na a um hun chiang a guptuam paituam neilou a lemna bawltu a pang ding ahi.

2. Moute muan ngamna: Ei hunlai adia kizen pil leh bawlthei hau ihimaithei hinanleh tu in itate leh tute khang hun hing tungta ahidan theisiam a amaute makaikawm in maban ding ama ua kinga ahidan theisiam sah a muangam a poimaw mama hi. Mi tanute ei mou dia innkuan tuam apat hing lut umkhawm ngailoute umkhawm ihiman un innsung kituahna ding in tehten mopuohna sangtah inei hi. Tate leh moute enkol siam a muangtah a mawpuohna a piahkhiat siam uleh innsung nuam siamkhethei uhi.

3. Thumang thei: Silteng ngaikhoh kisa a, ei deidan chauh a

pei teitei dia dei abailam hi hinanleh khangthahten hoi dia athei uh angkupte uh zuithei dan kizil apoimaw hi. Amaute deidan leh ngaidan zuithei sawmlei itate tawldam tuam mama ding uhi. Upalamte leh khangthahte kaal a kitheisiamlouna adiah in ngaidan leh mudan kibahlouna a um chieng in athuahtu innsung ahizel hi. Innkuan sung nopna leh lawchingna ding in khanglui leh khangthah kikal lungsim deidan ngaidan leh sil etdante pilvangtah a kitheisiam tuah a kithumang tuah apoimaw hi.

4. Zatat thei a um: Nu leh paten tate it leh zatat thei a umsawm ding ahi. Pasion nei a thutah leh ettawn ding a umsawm ding ahi. Zatatna leh phattah hina phutthaw ding hilou in i umdan apat a hing kilang ding ahi (Paunahte 31:28-29).

5. Pahtatdan siam: Pahtatna thuhoi za koima akipahlou umlou hi tuaziehin nang hing kemtu ding mou piah a na umzieh in amakung leh Pasion kungah kipahthu gen in. Na mounu a ding in thumsah gige in, it leh deisah nahidan na hinkhuo apatin kilangkhe sah in. Na mou pahtatsiam a pahtawi a kipahpidan siam kizil in, na tung a ahoina angkep nate ahiding bang a ngai mailou in atung ua nakipahdan azah in gen in.

6. Lungkimtah a um ding: Leitung hinkhuo ah nopna leh hasatna kipaltou den hi, tua ahiman in eima tan bang bang a lungkimthei apoimaw hi. Lungkim theite lah mihamphate ahi uhi. (Phip. 4:11-13) Paul in keima hing hatsahpa Khrist ziehin silzousie ka bawlthei hi chi in lungkimtah in umthei hi. Ei deidan in sil pei gige theilou hi hinanleh kilungkim sah siana lungkimtah a umtheite mihampha leh tawldamte ahi ua tuaabang mi hisawm ding uh ahi.

Mahni angsung chauh khuallou a ei ading chauh enlou a midangte hoina ding etpizel thei lei kituahna bailam pen ding ahi.

THU KHUPSIT NA: Tunia hing peikhawm teehipi leh mou hitaten Ruth leh Naomi bang a pang-khawm a innkuan tungdingtu leh umdan a Khrist khantanhoi kituhsah tutehithei chiet ding in Pasion in hing gualzawl chiet taken.

~~~oio~~~

---

## **Nute Ni (Mother's Day) 2019**

*Pastornu Nu Lunsuanchiin  
Clerk MELC*

*Guol lel minthang Pienna tuunnu*

Leitung buppi huopsuo a Nute ni kizah theina dinga lungsim/huoh tampi nasenga genthei tah a Nute Ni anapankhie leh phutkhie tu mi masate kungah zataatna ipie masa uhi.

I thupi a ilut masang un munchin gam chin a um Khrist a unaute tukum 2019 Mother's Day a ANU Zataat latsahna a sil bawl neite leh a Nu kunga hepina langсах zousie kungah ngainatna lianpi toh salam ka hingpie hi. Tu mama in zong Pasion thupha in ang umpita hi.

Tate a dingin Nu in bang chin hinkhuo ana zang ei ? chi kikum khawm lei ut huoi isa hi. Nu in ata

a It hi chi thumal pen manpha in thuh seng seng a hizieh in hoia pat a - hoia zaw ding adieie chitheie hiel ahi. Pasion ngel in zong Nu itna khu tekhinna'n ana zang hial hi. Ami Israelte a itna leh angaikhohna alet dan (Isai ah) "Nu in a it ngut ngut a TA amanghil ngailou bang in" anachia... tualeh, (Is.66 :13). Nu in ata ahamuon bang in ka hing hamuon dinga lungmuong tah in nateng ding uhi. Achi hi

**Silsiem thu ah lut jual vai:**

Thuhunlui ah Sil siem umdante ingaituo leh apoimaw penpente Pasion in siem nukhie sese in kilang hi. azieh pen (Jacob ka it a Isau ka muda) leitung ah singna louna leh ganhing leh sil chikim A siem zou dimdiemta a hinanleh, a enkawltu ding Adam akisiem naisih hi. Tuachiin Adam aki siem zouta a, Nu Evi kisiem nailou lailai hi. Silsiem chinteng siem zouta napi'n Pasion alungkim theisih a, bangzieh atadie ichileh, Nu Evi a siemnai louzieh ana hijaw hi. Tuach'n Nu dinmun luo theipai ding in Evi ang siem zaw zoutah in Pasion in anasep zaw ahita ch'in apuonkhie a, silsiem toh kisai khupsitna (Chapter Close) abawl ata a, nuom tah in akitawl damta hi. Tamnah, Nu kichi tellou in Pasion ana lungkim sih a zong akitawldam nuom sih chithu itah lang nuom uh ahi.

Pasion in mihingte Nu nei chiet in angna siem hi. Nute hing kipat khietna Evi kichi nu khu Eden huon a theiga neh toh kisai in gen le sah tampi um nanleh tuami huon sung khelna lamah lutjaw lou in, Pasion in Nu tel lou in A Sil Siem hun khu akhupsitna (chapter close) abawl nuom lou pen bang tup leh ngim nei a diei suikhie va ui.

**Koite'n Nu angaisang uoi?:** Gam khangtou namlian leh zataat huoi mipil leh milawchingte'n a Nute

manphat dan a theisiem mama ua a ngaisang ua tuachin, gingloute nasan in zong Pasion Nu (goddess, deserve to respect) anachi hial uhi.

Mawl in pil tahleh, hoi in hoita sihleh, bang zieh a Nu kichi tate'n zataatna pieh ding a diei ichileh, Leitung ah ipienna inu chilou Nu dangkhat sungah pieng kia ding in Pasion in koima hun (chance) apekia ngai sih hi. Tuazieh a Pasion in ei a ding a angpieh iNute chiet uh iki hoibawl leh zataat ding uh imawpuohna in Pasion in a koi hiau hi. Nu in ha 9(kuo) sung a gilsungah genthei tahin angna puo a, tampen sil hamsa mama (thu bailou) khat pasalten a tuohkhah lou uh ahi. Khangluiten Temsan/Naamsan kuo (shi leh hin kikal a um) anachi uhi. Tuachi'n Nausen in ipieng a nat leh sat toh ikhangkhawm a, idam lou huoisiet zaan chieng in imu lou keei in iNu a um a, TUNNU Itna lian e..., ideite a ngaikhoh mama a anei lou tantan in pan ala vevo hi.

**Itna chim tah :** Tunnu itna lien e! bangma toh tethei guol lou ! Ami zata lunggil a tham Nu in ata a itna khu itna sieng leh dihtah akichi sese hi. Bangzieh in a hiei ichileh, sum law zong hilou in , avah a, azilsah a, a enkawl a, akidah huoi a zuun leh eh chinteng apat akemsieng thou a, akithuopi a, aphoh hil a, a pahtaata a tualeh a lungsim a sil hoi a theizousie toh khet loukeei in apui



## *Gospel Tangkou May 2019*

\* Nute khu ei a Tate a ding in i First Darling or First Love ahi ua, taten leitung ah anu sanga a ana it masah joh koima amu nai sih hi.

**Khenkhat ngaidan** : Nu leh pa akipawl zieh lel a tate pieng mai mai dan a ngaituo a um hi. Tambang ngaituona zieh a Nu thusimlou zong um thei a, tambang lungsim puo tate pen mi hepi huoite ahi uhi. Azieh pen Doctor siem leh minthang tamtah ten tanei theiloute'n a nei theina ding un pan nasahtah in ala ua, law sam jel uhi..

**Nu manphatna(value) thei a ngai:** Nu khu hinkhuo kipatna bulpi ahia ihinsan uh ahi. Ahileh, iNu in atate tunga theitopsuo in angki pumpiehta a, ei ataten zong inute chiet tung a itna dihtah toh pieh thuh akilawm diei? Adieh in anat zawngkhal leh ateh lam chieng un phunhat leh ipla huoi sa a ning bawl mai ding imah? Hi zaw lou ahi, etkawl hoi chiet kiphamaw hi. Inu in ahat lai huntsung, atate dingkhuolna in ana zangbei a, tun hatlou lam manawta hiei hiei hi. A kam a ham ham, agengen maithei a, a phun phun hi chia ning bawl mai lou in eite ineulai a iki phin phin a, ikap kap a, ivah hat nalai ua, tua hunlai in zong inu in itna toh hing kem tou in an leh tui, neh leh taah sil leh teen toh nuom isah ding bang bang theitop a lunggel in hingna kem tou ahi. A tah tah in inute pen aning huoi hunchang zong a um thei ma a, tuami hun

chieng in, ineulai hunte imit ha a kilang sah in nehthei singpi, thu leh la toh theisiem tah a kem in khoi in kemta lei zong amau hing kep leh buoipi dan toh tuot a ileiba a kimkhat zong din zou nailou toh kibang kihi lai ding hi.

**Thukhupsitna : Tangmi tomkhat suut vai** : *Nidanglai in mipa khat in anu ngol/maw sa seng seng in a ipla mama a, vuoh sawm in akhut alamtuou a, a elduong sat ding a akisah leh a lungsim mit in mukhat anei a, kaneu lai a angpuohna, achia, apheipi sat thop dinga akisah leh angtoina, achia, aban a enjel a a khut sat dinga akisah leh angkoina leh ann angpiehna achia, a ompheng a sawnthop dinga akisah leh ka noi tepna mun achijel a amai beng dinga akisah kia leh ka neulai a kanu mai kamu chienga ka lung muon dandan aw chijel a, atahsatung mawng mawng satna ding leh vuohna ding mun ong mu zou lou in alungsim in (sorry sorry achia) anu theilou kal in ahepina a lien deudeu jaw hi, akichi hi.*

Tuazieh in, adieh in tu a nu dam nalai neite ihampha ua, sil hoi bawlna ding hun inei nalai uhi. Ki pantha va ui. Tam Mother's Day toh zohkhawm in iNute suhlung kim leh Lei guolzawlna leh Van guolzawl na hing luonglut ding hi. Simtu it, na Nu lungkim tah a enkawl zou dingin Mangpan thupha hing peta uhen.

~~~oio~~~

THEISAHNA

MELC in thu kizahna inei sun sun uh **GOSPEL TANGKOU**, Editorial Board deina bangin MELC sunga local teng Patron member a pang ding chi ahiman in Local Church bang zat e khat in Patron Member fee Rs. 1500/- (Rupees One thousand and five hundred) only ape zouta hi. Hinanleh Local Church bangzat e khat te lemtang nailou ahiman un Patron member fee ape thei nai sih hi. Ahi theileh tam anei a Local Church hing kitahlang te'n Patron member fee MELC Office ah hing pe ding in Pasian min in ikingen in ikitheisah sawnsawn uhi.

GOSPEL TANGKOU Rs. 1500/- Church a pe nailoute

- | | |
|----------------------|--|
| 1. Simveng MELC | 2. Central Church MELC |
| 3. Manniangkhuo MELC | 4. Zoumunnuam MELC |
| 5. Ngulzenveng MELC | 6. Tuaitengphai MELC |
| 7. Sehken MELC | 8. Mata Mualtam MELC |
| 9. Sumchinvum MELC | 10. Zabellei MELC |
| 11. Phaibem MELC | 12. Allusingtam MELC |
| 13. Likhai MELC | 14. Lunmuol MELC |
| 15. Kullian MELC | 16. Tuining MELC |
| 17. T. Vajang MELC | 18. Sugnu MELC |
| 19. Zoubethel MELC | 20. D. Janguom MELC |
| 21. Saite MELC | 22. N. Leitan MELC |
| 23. Leijangphai MELC | 24. Tonjang MELC |
| 25. Suongphu MELC | 26. Janguom MELC |
| 27. Pahmuol MELC | 28. S. Sehken MELC |
| 29. L. Zoujang MELC | 30. Imphal MELC |
| 31. Shillong SLC | 32. Singheu (Paid Rs. 120/- Due-Rs. 1380) |

*** Tam atung a kho min tuang loute apesa ahita uhi.

H. Khaikhogin
Circular Manager

Patron Memberte

- | | | |
|-------------------------------|--------------------------------|---------------------------------|
| 1. (L) Upa T. Chinzakhai | 56. (L) Upa Pumzagin | 111. Pu T. Samuel Tualminthang |
| 2. Pi Warlita Manlun | 57. (L) Rev. Khaamthang | 112. Sya. T. Dongzalam |
| 3. Pu M. Khamzamang | 58. Pu T. Lamzagin ASC (Retd) | 113. Upa Paukhosuan |
| 4. (L) Upa T. Gougin | 59. Upa S. Kammang | 114. Rev. Ginsuanthang |
| 5. Upa M. Kaichinkham | 60. Pu L/Nk Mangchinthang | 115. Upa M. Khupkhanhau(Retd) |
| 6. Pastor P. Vungzathang | 61. Pu Pumkhanmang | 116. Pu M. Haukholian |
| 7. Pu P. Chinzakhup | 62. Upa Tunzagin | 117. Rev. Chinlunmang |
| 8. Pi Chinnu (Mrs.Gouzadou) | 63. Pi Zenggaihnang | 118. Pu H. Khaikhogin |
| 9. Upa D. Khupsuanpau | 64. Pu Chinsuanlam | 119. Pu T. Chinkhohau |
| 10. (L) Pu Thangkhanlal | 65. Nu Kangnu | 120. Pastor Khupdokhen |
| 11. Upa M. Jangkhhohau | 66. Pu Genkapthang | 121. Pu Khamkhanhau |
| 12. Pu T. Gouzalal | 67. Pu Paul Henkholal | 122. Pi Lunsuanchiin |
| 13. Upa Jangkhhogin | 68. Upa Nengkhenthang | 123. Pu Tutzamung |
| 14. (L) Upa M. Khamzathong | 69. (L) Rev. P.K. Khama | 124. Pu Dongzakam |
| 15. Pu H. Thangmang | 70. (L) Pi Nuamneikim | 125. Upa Thangchinhang |
| 16. Pu M. Ginzasuan | 71. Pu Dr. David Vumlallian | 126. Sya Thangkhanpiang |
| 17. Pu M. Kailam | 72. Upa Ginzalam | 127. Pi Goikhanman |
| 18. (L) Pu T. Soiminthang | 73. Rev.Kamminthang Tungnung | 128. Upa Zamkhosuan |
| 19. Pu S. Suankhothong | 74. Rev. Thangliankham | 129. Pu Jamchinpau Samte |
| 20. Pu S. Tunsuanhang | 75. Rev. Nangkhanlal | 130. Sya Tunzalang |
| 21. (L) Pu Hauchinmang | 76. Sya Dongzapum | 131. Evan. D. Ginpu |
| 22. (L) Dr. Upa Tongkhokai | 77. Dr. N.D. Samte | 132. Pastor Khamkhenthang |
| 23. Pu T. Ginzamang | 78. Pu Sienzathang | 133. Upa Chinsuanpau |
| 24. Pu T. Goupau | 79. Pu Sheshei | 134. Pu P. Tunzamang |
| 25. (L) Dr. Lampu | 80. Rev. S.K. Manlun | 135. Pu Kamneithang |
| 26. Pu P. Sanjeev | 81. Pu Hauliankap | 136. Mother Nuamzavung |
| 27. Upa P. Kamzadou | 82. Pastornu Niangzadim | 137. Upa Thongzalam |
| 28. Dr. Ginniing | 83. Rev. Ngilzakhup | 138. Pu Kaikhankap |
| 29. Upa Lt. Col.Thongzadou | 84. Pu Hausuanthang | 139. Ex-Sub. Upa Kaichinpau |
| 30. Pu John Zamkhomang | 85. Upa Khamchinlam | 140. Pu Ex-Hav. Thangzakhup |
| 31. Pu M. Lunkhoneh | 86. (L) Khaiminlian (13 yrs) | 141. Upa S. Suanzakham |
| 32. Pu Kapzamang | 87. Upa H. Khamzamang | 142. P. Chinminthang |
| 33. (L) Pu Hauchinthang | 88. Pu P. Sienzadong | 143. Rev. S. Nengkhanmang |
| 34. (L) Upa S. Khamzalam | 89. Pi Neikhokim | 144. Pu T. Lianchinlam |
| 35. (L) Upa Sub. Lianchinmang | 90. Pu Hausuanlam | 145. David Kapsuanmung Zo |
| 36. Upa S. Zamzalam | 91. Pu Ginminthang (Gigin) | 146. Nh. Vunghauniang |
| 37. Pu Khamzaton | 92. Pu Khupminthang | 147. Tv. Goumuankhup |
| 38. Pi Nemrang | 93. Nu Lhainei | 148. Khupno Tombing |
| 39. Upa Tuahchinhou | 94. Rev. Kamminthang | 149. Ginshanglian Samte |
| 40. (L) Upa Kaikhohau | 95. Pi Ngailianmoi (Momoi) | 150. Ex.Hav. Khupzathang |
| 41. Dr. Jainson Haokip | 96. Pu Aron T. Muanthang | 151. Nu Muanchig Sangma |
| 42. Pu Kapkhanthang | 97. Pu Thongneipau | 152. Sub. P. Goukhanlian Zou |
| 43. Pi Manpi | 98. Pu Dalkhanthang | 153. Ex-Hav. Sianzakhai Munluo |
| 44. Pu Philip Thanglienmang | 99. Upapu Soikhohau Samte | 154. (L) Upa Thangkhhokam |
| 45. Upa Haukholam | 100. Rev. Thangkhanmang | 155. Upa Thangkhhojam |
| 46. Upa Kaikhanlun | 101. Rev. Nengkhanlal | 156. Pastor Kapkhanhau |
| 47. Pi Lhingneiting (Helhing) | 102. Pastor Lamgen | 157. Pastor Thangkhhongam |
| 48. Pu Thangchinsuan | 103. Pi Cicilia Maman | 158. Pa M. Ginkhankhup |
| 49. Pi Goukhoniam | 104. (L) Pro Pastor Kamzathang | 159. Upa T. Puminlal |
| 50. (L) Pu T. Gouchinthang | 105. Upa T. Nungkhochinpau | 160. Pa M. Khammuanlian Zou |
| 51. Pu M.L. Thanghau Zou | 106. Rev. Dousuanthang | 161. Nh. Momawi Milun |
| 52. Rev. V. Hangminthang | 107. Rev. Hangpi Manlun | 162. Upa M. Hauminthang |
| 53. Rev. Dr. Ginkhanmung Zou | 108. Tv. Hauthang | 163. Pastor Kamsuanli |
| 54. (L) Ex.Nk. T.Dongminthang | 109. Rev. Thangchinkhup | 164. Ex.Sub.Upa T. Mangkhenmung |
| 55. Pi Neingaihaw | 110. Rev. Kapsuankhup | 165. Pu T. Ginkhothong |
| | | 166. Upa V. Lawmsang |

Koipou Patron member a pang utte a dingin ₹. 1500/- pie in a pang thei gige hi.

If undelivered, please return to

The Editor, Gospel Tangkou
MELC Office, Hqtr. Zomi Colony
Post Box – 10, Churachandpur - 795 128
Manipur, India,
e-mail : melchqtrs@gmail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo,hattuom khanletna ding)

(RNI Regd. No:62170/95 MNP 76)
BOOK POST

To

.....
.....
.....

*Layout & Typesetting @
MELC Office
Printed @
Thawmsons Color Press,
H. Lamka*

Edited & Published by the Editor for and on behalf of the Manipur Evangelical Lutheran Church